

大清會典

戶務府

大清會典

內務府

掌關防處郎中一人員外郎一人俱以內務府司員兼充

內管領三十人副內管領三十人

掌供

大內之物役

凡



宮中之事。率其屬而敬聽。

管領等輪班承應。皇后宮內差務。內

貴妃。貴妃位下。內管領各二員。妃嬪位下。內管領各一員。均由堂擇派承應。又每管領

下。食錢糧蘇拉各八十五名。共二千七百名。又祇食季米蘇拉各七十五名。共二千二百五十名。總凡四千九百五十名。遇有缺出於三旗幼丁內挑補。承應差務。

○供

堂子之

神杆。每歲春秋二季。堂子大祭需用。神杆一根。備用杆一根。據掌儀司來文。由堂派

副內管領一員。率同領催二名。披甲人二十名。移咨戶部給劄。至延慶州敬謹伐取神樹交送。每株用槿夫八名。又皇子府中賞給分若槩。例。應用神杆。亦據掌儀司文。前往伐取。

葉若安春香。皆采以供具。

每歲坤寧宮祀神用槩木葉一

萬斤。四月初八日。用槩木葉三千斤。又每歲祭祀共用安春香三千斤。又皇子府中祭祀。每歲用槩木葉一萬斤。俱由堂派副內管領一員。率同領催三名。蘇拉二十名。赴居庸關外採取。

○稽三旗之丁口以授糈。

各管領下人丁。除官員兵丁等。已有俸餉

者。不給口糧外。餘自五歲以上為半口。十歲以上為一口。一口應領米二石二斗五升。半口則

半給。年老辭差者，仍行給與。革退者不給。每月由內管領查覈口數，取其圖結，送掌關防處。每季彙總移會計司。牧場蒙古亦如之。各管領下轉行戶部領取。口外牛羊駝馬羣蒙古等，每年應給口糧，由牧場總管造具丁口清冊，送交該管領覈實，移會計司辦理。其三年比丁，由堂派副內管領一員，會同該總管清查編審，亦移會計司辦理。

○凡

### 宮殿之糊飾則以

聞。每年糊飾宮內窻樞，移掌儀司於八九十月內選擇吉日，由掌關防處奏請欽定，由堂派內

管領二員，副內管領二員，率同倉上人五名，領催三十名，蘇拉六十名。又由營造司行取裱匠四十名，刷花匠三名，菱花匠三名，錠鉸匠二名，會絲匠二名，木匠二名，油匠二名，由武備院行取磨匠十一名，糊飾事竣，將用過紙張數目，移付廣儲司覈銷。薙草去塵亦如

之。每歲立秋後，三大殿拔除青草，由堂派內管領三員，副內管領三員，率同倉上人八名，領催三十名，蘇拉九十名，承應十二月，宮內去塵，由堂派內管領二員，率同倉上人十二名，領催六十名，蘇拉一百八十名，承應，俱屆期移掌儀司，選擇吉日，由掌關防處奏請欽定。

供泉水之用。每日內庭分例，及各處供獻，共

用玉泉山水八十罐，以內管領一

員。按日輪值。率同領催二名。運取交送。所用暑錫罐龍袱等。如應修造。呈堂交傢伙倉辦理。

則出水。紫禁城內設冰窖五座。每座窖玉河水各五千塊。共計冰二萬五千塊。內除

清茶房每年用冰一窖外。其餘冰二萬塊。承應宮內分例。及各司院等處應用水塊。由堂派

內管領一員。管理收發事務。一年一次更替。如水不敷用。咨行工部應付。屬下領催六名。蘇拉

二十四名。承應。寒則薰缸。紫禁城各處安設鍍金海共十八口。大銅海

二十二口。大鐵海四口。中銅海一百五十二口。小銅海八口。小鐵海一百四口。共計三百有八

口。內貯清水。每年十一月初一日起。至次年正月三十日止。每缸三口。派蘇拉一名。專司燒炭

薰溫。毋使凝凍。其二月初一日起。至十月三十日止。每月二次添水。亦派令蘇拉管理。凡

灑掃之事皆聽焉。景運門隆宗門以內地

右門外。聽候傳喚灑掃。仍由太監帶領。毋許擅入。

○分班以值

紫禁城之內。外。各旗俱分十班。謹視

宮室。而以時葺治。鑲黃旗第一班。管理太和殿。永壽宮之西廂。三所之東。狗

房內鷹房之二門內。弓匠房之北五間。御藥房之東西廂等處。第二班管理儲秀宮。侍衛

飯房 養心殿造辦處之南。點心局南三間之北一間等處。第三班管理 中正殿 兆祥所。育喜房。護軍房。清茶房之東西廂等處。第四班管理 西華門門樓。內閣紅木處。尚衣監等處。第五班管理 永壽宮正房 神武門西南角樓 熙和門內北房。銀庫之北。喇嘛房之中五間。酒醋房之北一間。茶葉庫外膳房等處。第六班管理 永壽宮之東廂 神武門東北角樓 東華門中洞 中右門 內右門外房。內左門外房。井亭。小花園之東三間。點心局南三間之南一間等處。第七班管理 鍾粹宮 神武門西南角樓 太和門分中至 昭德門。方畧館 咸安宮官學。喇嘛房之東五間等處。第八班管理 水車房。內膳房素局。辦供處。及南

府東房等處。第九班管理 武英殿之西。壽康宮之西門外琉璃門內。神武門東南角樓 城隍廟等處。第十班管理 傳心殿 景仁宮 左翼門果房等處。正黃旗第一班管理 英萃殿 後左門 前星門。狗房內鷹房之二門外。鰲山燈庫之南房等處。第二班管理 午門西北角樓 右翼門 協和門 貞度門內西房 中正殿門外板房。銀庫之南等處。第三班管理 南薰殿 白虎殿 武英殿之東 協和門內南房之南五間。點心局南三間之中一間。乾肉庫之西。及鐘鼓樓。北鞍庫。鰲山燈庫正房等處。第四班管理 天穹寶殿 咸福宮 景陽宮 慈寧宮花園之西 御路 西華門門洞 隆宗門外西房。

御藥房之東。噴。敬事房。東長房等處。第五班管理。東華門門樓。隆宗門外南房。時辰房等處。第六班管理。午門東北角樓。御書處之前。御膳房之北。乾肉庫之東。及銀匠房。箭亭等處。第七班管理。文華殿。神武門門樓。奉先殿外北房。昭德門內東房。喇嘛房之西。三間等處。第八班管理。寧壽宮。景運門外南房。養心殿造辦處之北。御藥房之穿堂及冰窖等處。第九班管理。奉先殿。茶飯房。御藥房之正房等處。第十班管理。懋勤殿。協和門外南房。南府庫房之西等處。正白旗第一班管理。東華門南洞。上馬院。緞庫。緞庫。南鞍庫等處。第二班管理。三大殿。坤寧宮。中左門。隆宗門。及門外北房。

午門東南角樓。三所之中。點心局之北。三間等處。第三班管理。乾清宮。壽康宮。伽藍佛堂。火班處之南。清茶房之正房等處。第四班管理。午門門樓門洞。協和門內南房之北。五間等處。第五班管理。神武門西北角樓。東華門北洞。太和門分中至貞度門。協和門內北房。國史館之前房。弓匠房之南。五間。南府庫房之東等處。第六班管理。壽安宮。景運門及門外北房。吉祥門。廣儲司。火班處之北。車庫之後院房等處。第七班管理。熙和門內南房之南。六間半。御書處之後。南鞍庫角樓。磁器庫之西房。酒醋房之正房等處。第八班管理。慈寧宮花園之中。御路。及東西井。磁器庫之東房等處。第九班

管理 右翼門西南角樓。熙和門內南房之北六間半。慈寧宮花園之東。御路。

國史館之後房。文淵閣鑾儀衛銀庫車庫。三所之西等處。第十班管理。後右門。延禧宮

等處。濬其水道。紫禁城內河道。鑲黃旗第二班管理者二十丈。第三班十五丈。第

六班二十丈。第七班二十丈。第八班二十丈。第九班二十丈。第十班十五丈。正黃旗第二班管

理者十九丈六尺。第三班二十丈。第六班二十丈。第七班十六丈。第九班二十丈。第十班十二丈。

正白旗第一班管理者二十丈。第二班二十丈。第三班三十丈。第五班二十五丈。第六班二十

丈。第七班二十丈。第八班二十丈。其鑲黃旗第一班第四班第五班。正黃旗第一班第四班第

五班第八班。正白旗第一班第九班第十班。所管俱無河道。若寺廟若公廨

亦如之。紫禁城外各寺廟之在官者。及東華門外。西華門外。神武門外。朝房。

及各官所。按旗分班管理。隨時祭看。有應修者。呈堂辦理。

○凡製造餅餌則供其事。設內餠餠房。外餠餠房。內餠餠房以三十

內管領輪班值日。設倉掌一人。倉副二人。倉上人十二名。餠餠厨役四十名。蘇拉四名。每日恭

備 御前早晚隨膳餠餠八盤。 皇后前早晚隨膳餠餠四盤。每盤俱三十個。又每月朔

望。佛樓爐食供四十碗。佛城玉露霜供二十碗。並內用 賞用餠餠餠子拉拉花糕等



項。俱據膳房傳交備辦。無定額。所需米麪豆粉麥粉糖蜜鹽芝麻桃仁西葡萄棗栗等。及柴炭等項。俱由值日內管領移各該處支取。又每歲上元端午中秋。由堂派內管領四人。辦理元宵糴月餅。亦據膳房傳交。無定額。統由內餽餽房辦理。外餽餽房。由堂派內管領副內管領各一人。值年。設倉掌倉副各三人。倉上人二十名。餽餽厨役六十名。蘇拉十二名。管理備辦餽餽桌張。大燕桌。每張大餽餽四盤。松餅二盤。小餽餽二碗。五色番餽餅。五色梅花酥。五色小印子霜。五色玉露霜各五盤。蜂蜜印子。雞蛋印子各一盤。紅白點子二盤。紅白餽枝三盤。麪攢盤。芝麻酥攢盤各一盤。乾鮮果品二十盤。糖三盤。班桌無松餅五色梅花酥。別有紅印子。綠印子。雞蛋

高麗餅各一盤。薄燒餅二盤。餘與大燕桌同。翟鳥桌。無番餽餅小印子霜紅印子綠印子雞蛋。高麗餅麪攢盤。別有梅花酥四盤。餘與班桌同。內用桌。無大餽餽紅白點子芝麻酥。別有麻花十二斤。餘與翟鳥桌同。賞用跟桌。無梅花酥薄燒餅小餽餽玉露霜。別有沙糖印子三盤。酥條六碗。餘與內用桌同。小供桌。每張金線勒克。夾餽勒克。鍋饋。爐酥各一盤。又蜂蜜印子。沙糖印子各一盤。紅白點子二盤。麻花十三斤。乾鮮果品九盤。糖三盤。凡大燕桌。恭備御用。

暨 皇后御用。又每月 壽皇殿

安佑宮供獻品物。俱與大燕桌同。其筵燕外藩蒙古王公等用班桌。貴妃 妃 嬪 貴人前。皇子 皇子福晉前。用翟鳥桌內用桌。

佛前供用。小供桌。其跟桌專備。賞用。又英華殿七星供。慈寧宮花園玉露霜。

供。及各寺廟供餅。遇應用之時。俱由外餽餽房辦理。又每歲正月。坤寧宮祭神。造釵

子餽餽。應用倉上人四名。果上餽餽上婦人六十名。由內管領送交司昨官帶領承應。又春秋

二季。坤寧宮立杆大祭。打糕搓穆丹。以內管領三員。率同倉上人四名。披甲人三十名。內管

領之妻。率同果上餽餽上婦人六十名承應。又春秋二季。為馬祀神。打糕搓穆丹。以內

管領一員。率同倉上人四名。披甲人三十名。果上餽餽上婦人三十名承應。皇子府中立杆

大祭。打糕搓穆丹。以內管領一員。率同倉上人二名。披甲人二十名。內管領之妻。率同果上餽

餽上婦人二十名承應。備其醯醬酒醴。設酒醋房。由堂派內管領二人值年。

設酒匠十六名。醬匠十六名。醋匠八名。蘇拉八名。管理成造酒醋。凡造玉泉酒。每分三百七十

斤。需用南籽米三石六斗。麩麵麵豆麵各二十斤。大淮麵一塊。引酵二斤。玉泉水一百六十

八斤。造白酒。每分二百四十斤。需用朝鮮糯米三石六斗。神麵二斤。造醋。每分一千一百斤。需

用南糯米七斗二升。小黃米白米各一石四斗四升。麩麵七石一斗二升。紅穀糠十四石二斗

四升。大淮麵四十塊。鹽四十斤。造豆醬。每分二千三十斤。需用黃豆三石六斗。白麵六百斤。鹽

三百四十斤。香油二斤。造麵醬。每分一千五百五十斤。需用白麵一千斤。鹽三百四十斤。香油

三斤。造清醬。每分二千五十斤。需用黃豆三石六斗。白麪四百斤。鹽八百斤。香油二斤。造常行清醬。每分二千五十斤。需用黃豆三石六斗。白麪二百斤。鹽八百斤。香油一斤。恭備御前日用。玉泉酒四兩。醬一斤十二兩。醋五兩。清醬二兩。又外用醬一斤四兩。清醬二斤十四兩。醋一斤十一兩。皇后前日用。醬一斤八兩。醋一斤。清醬二斤。貴妃。妃。嬪。貴人等位。共日用醬三斤。醋三斤。清醬五斤。皇子飯房日用。醬四兩。醋二兩。清醬四兩。凡祭祀及各處分例。應用醋。醬等。俱據各該處來文發給。其醬菜。亦由酒醋房辦理。醬葫蘿蔔二千斤。用醬

二千斤。醬包瓜四百九十五個。用醬六百斤。醬薑七百斤。用醬三百斤。醬小玉瓜一千五百條。用醬一百五十斤。醬王瓜二千斤。用醬一千斤。醬窩笋一千五百條。用醬一百斤。醬冬瓜片三百六十斤。醬茄藍二千五百斤。用醬二千斤。醬一千五百斤。醬菜藍二千五百斤。用醬二千斤。醬豨瓜二千斤。用醬二千斤。醬瓜條七千斤。用醬六千斤。應需物料。行各該處領取。有應採買者。於廣儲司領銀。歲用八百兩有奇。每三月一次。將用過數目具稿呈堂。每年八月由掌儀司彙總具題。與其蔬物。設菜庫。由堂派內管領二人覈銷。值年。設庫掌一名。庫守三十名。領催十五名。蘇拉三十名。管理供應瓜菜等物。屬下香瓜頭三十名。每名領地九頃。養家

地三頃。每年各交香瓜一百擔。西瓜一百個。雜樣乾菜十八斤。新豌豆二升。蘇葉五斤。黃豆角三十斤。又交冬季應醃白菜三千一百四十斤。小芥菜八百九十斤。韭菜一百七十五斤。箭杆白菜二百斤。大芥菜三百斤。王瓜一百七十六條。茄子四斗。葱二十八斤。春不老三十四斤。西瓜園頭四名。每名領地九頃。無養家地。每年各交西瓜一千個。安肅菜園頭四名。每名亦領地九頃。養家地三頃。每年各交安肅白菜四千五百斤。俱由六庫徵收備用。又旱地菜園頭三十五名。每名領旱地九頃。養家地三頃。畦地菜園頭二十四名。每名領畦地一頃八十畝。如無畦地。每畝折給旱地五畝。每年每名各折交銀一百六十兩。係由會計司徵收。歸廣儲司銀庫。仍

以備菜庫買辦菜蔬領用之需。惟畦地菜園內。有供應。奉先殿等處種鮮地一頃三十

九畝。由菜庫內管領徵收本色。仍於二十四名園頭內。選擇園頭二名承種。凡薦鮮之品。正月用韭菜。二月用小葱菠菜芹菜。三月用王瓜茼蒿菜菔蒿菜水蘿蔔芸薹菜。四月用豌豆茄子。五月用香瓜。六月用西瓜。十二月用蓼芽菜。俱按期交送掌儀司。以備供獻。其備辦菜蔬。恭備御前每日用白菜菠菜香菜芹菜韭菜共十九斤。大蘿蔔水蘿蔔葫蘿蔔共六十個。包瓜冬瓜各一個。苳藍乾閉甕菜各五個。葱六斤。皇后前每日用白菜香菜芹菜共二十斤。十三兩。水蘿蔔葫蘿蔔共二十個。冬瓜一個。乾閉甕菜五個。葱三斤。貴妃 妃 嬪 貴人等

位。每日供用白菜四十斤。香菜四兩。芹菜一斤。葱五斤。水蘿蔔二十個。葫蘿蔔十個。苤藍十個。冬瓜一個。乾閉甕菜十個。皇子飯房每日用白菜五斤。乾閉甕菜八兩。其菠菜。四月五月易以莧。六月七月易以豇豆。韭芽。三月至七月易以韭菜。大蘿蔔。四月至九月易以茄。水蘿蔔。三月至九月易以王瓜。冬瓜苤藍。俱六月用至十一月止。每年於廣儲司三次領銀。共九千五百兩。統於歲底彙總題銷。

○凡事共其車役

設管理蘇拉車輛處。由堂派內管領副內管領各二人值年。凡官人因公差遣。及載運什物。應用車輛。每處擡運什物。及掃除地面。供應一切差務。應用

蘇拉。俱由給發蘇拉車輛處覈定數目。發給照票。鈐用圖記。行掌關防處領用。內庭過門差務。用本身蘇拉。餘皆催覓民夫。其車輛皆係催覓各該處行取蘇拉。俱開明物件擡數。行取車輛。開明人數。及物件斤數。每月將用過蘇拉車輛數目。造冊呈堂。並另繕冊送掌關防處查覈。人出差官員人等。例用腳價。亦由本處管理。所需銀兩。一月一次。行廣儲司領取。於次年五六月呈堂彙奏覈銷。其蘇拉數目。由總管內務府大臣按月繕摺具奏。歲底彙一年用過總數。附片隨十二月分月摺奏。聞。每管領下。各領催一名。隨同值月內管領撥派各務。又設車庫。亦由堂派內管領副內管領各二人值年。其庫貯之車。有重項車。圓項車。平項車。黃車。紅車。青

車。共一百五十四輛。凡用車六輛者。備用三輛。四輛者。備用二輛。上乘車有應修理者。隨時移營造司武備院等處修造。其餘車輛。五年一次修理。幃褥鞍轡。三年一次更換。設庫掌五名。披甲人一百二十名。又設騾圈。亦由堂派內管領四人值年。圈內駕車騾七十匹。引騾駕馬十匹。每月需餵草豆。由會計司分派莊頭交送。如不敷用。按時價采買。其銀亦由會計司移廣儲司領取。又需用馬槽鏟刀夾板。檀屨。箠。篙。靴。桶。繩。蓆。板。枋等。行傢伙倉領取。如有倒斃者。車騾由左右翼監督。駕馬由上駟院。俱咨行補給。其皮張。俱移送武備院。設七品廐長一員。廐副二名。披甲人四十名。廐庖其器用。設器廐庫。由丁二十名。草夫三十名。

二人值年管理。設庫掌二人。庫守九人。蘇拉二名。庫貯銀器。大盤十五件。二號盤六十五件。大碗五件。二號碗五件。茶碗四件。碟四件。匙二件。鍍金銅器。盤一百六十件。碗十二件。碟六件。方六件。匙三件。碗蓋二件。白銅器。盤三千七百三十四件。碗九百八十七件。碟三百七十二件。膳盤一百六十九件。方八十一件。匙三百三件。黃銅器。盤一千五百件。碗七百件。膳盤三百件。及大燕桌。班桌。供桌。翟鳥桌。內用桌等。桌張。俱謹藏備用。又壽皇殿雍和宮

安佑宮供桌。每桌用鍍金銅大盤十八件。二號盤四十三件。大碗二件。匙一件。大燕桌一張。楠木桌一張。餘凡燕桌。班桌。所用鍍金器。及翟鳥桌。所用銀器。惟銀器除本庫存留一百件外。

如不敷用。移廣儲司領取。其鍍金銅器。黃白銅器。俱由本庫供辦。鍍金銅器。二年一次修理。桌張。一年一次修理。移廣儲司營造司辦理。

○給外藩使臣之飯桌。

琉球國正使副使都通事。每人飯一桌。每桌銀

一兩七錢。飯桌外又有片喫四盤。饅首二盤。從人每二人飯一桌。每桌銀一兩三錢。亦有片喫饅首。隨役每四人飯一桌。每桌銀一兩。國子監肄業官生。二人飯一桌。每桌銀一兩三錢。亦有片喫饅首。隨伴每四人。飯一桌。每桌銀一兩。緬甸國正使副使。每人飯一桌。頭目每二人飯一桌。每桌俱銀二兩。通事亦每二人飯一桌。從人每四人飯一桌。每桌俱銀一兩六錢。暹羅國

正使副使通事。每人飯一桌。每桌銀二兩二錢。書記每二人飯一桌。每桌銀一兩八錢。隨役每四人飯一桌。每桌銀一兩四錢。越南國正副使。每人飯一桌。行人通事。每二人飯一桌。每桌俱銀三兩。飯桌外俱有片喫。從人每四人飯一桌。每桌銀二兩。荷蘭國正使副使。每人飯一桌。每桌銀一兩六錢。醫生夷通事。亦每人飯一桌。每桌銀一兩二錢。兵夷奴。每四人飯一桌。每桌銀七錢。隨役亦四人飯一桌。每桌銀五錢。暎咭喇國正使副使。每人飯一桌。每桌銀五兩八錢八分。餘官員每二人飯一桌。每桌銀三兩五錢八分五釐。兵丁隨役。每四人飯一桌。每桌銀二兩七分。在京西洋人。每二人飯一桌。每桌銀八錢。隨役每四人

飯一桌。每桌銀四錢。各土司來京。官。每二人飯一桌。每桌銀一兩九錢。通事隨役。每四人飯一桌。每桌銀一兩五錢。來使之家人。亦每四人飯一桌。每桌銀一兩一錢。以上凡遇諸外藩各國及土司在京之時。俱每日早晚按例發給。

官三倉。值年內管領三人。副內管領三人。於三十內

管領三十副內管領內。由堂擇派管理。

### 掌供倉貯之物用。

凡內庭分例。各處分例。及祭祀筵燕等所需米麥鹽蜜糖蠟油麩及豆穀芝蔴高粱等一切雜糧。并傢伙等項。俱由本倉照例備辦。凡米。每年內用米

七十石。各處所用白米六千石。粗黃老米八千石。又造酒醋元宵等所用糯米。捨飯處所用稬米等。俱行會計司轉咨戶部領取。凡麥。每年河南省額徵小麥一萬石。由倉場衙門交送。如不敷用。亦行戶部領取。凡鹽。每年需用黑鹽八萬斤。亦行戶部領取。凡蜜。由都虞司行打牲烏拉處交送。歲無定額。凡糖。有盆糖冰糖八寶糖核桃纏糖白糖黑糖等。由廣儲司領銀採買。歲用一萬四五千兩不等。凡蠟。有白蠟黃蠟。發票行戶部領取。其蠟票。由堂派內管領副內管領各一人。值年管理。柏油蠟。羊油蠟。由廣儲司領銀採買。歲用一萬三四千兩不等。凡油麩。蘇油由本倉用蘇子榨取。每石得油三十六斤。一兩有奇。香油燈油等。歸入雜糧項下採買。麥麵亦由



本倉碾用。每石麥一石。得麩九十四斤七兩有奇。其拉碾磨驢三十頭。每頭每日需用穀草七斤。黑豆九合。移會計司領取。凡雜糧等項。亦由廣儲司領銀採買。歲用三萬三四千兩不等。其傢伙。每年咨取營造司荆筐一千二百九十七個。扁擔一百七十三條。木掀一百九張。席三百二十七領。又三旗銀兩莊頭處。歲交青白柳條。綠麻。蘇麻。繩。帚。蘆葦等。由本倉飭令席匠。柳匠。蒸籠匠。篩籬匠。筲帚匠。共一百六十七名。成造器具。豫備各處支取。凡由廣儲司領銀採買者。銀數係廣儲司每月奏銷。其採買物件。每三個月。本倉彙總呈堂覈銷。米麥鹽蠟等。由戶部領取者。每年八月會計司彙總題銷。其傢伙取用數目。年終由本倉彙總覈銷。設倉掌九名。倉副

十八名。倉上人一百三十六名。承應差務。凡倉貯米麥等項。每三年一次。由總管內務府大臣。

奏請 欽  
派大臣盤查

筆帖式八人。

掌繙譯。

恩豐倉。值年內管領一人。兼管司員一人。以內務府

官兼充。與內管領俱由堂酌派。一年更換。

掌給太監之瀝米。

恩豐倉房七十四間。分為大小廩十二座。大廩七座。每座

貯米三千石。小殿五座。每座貯米一千八百石。照各倉之例。編寫天地宇宙日月盈餘秋收冬藏十二字號。由倉場衙門按字號進米備放。放米之日。由都虞司除派押旗叅領。由宮殿監侍等。除派首領太監。至期赴倉。會同押旗叅領。彈壓領米。凡三旗太監等。每季應領米石。俱由本倉支放。鑲黃正黃旗。定於正月四月七月十月內。正白旗。定於二月五月八月十一月內。由本倉指定日期。知會該旗。傳知領米之人。赴倉支放。每旗限三日內領竣。各殿座。俱由都虞司除派章京領催披甲人等。輪班看守。其書算花戶阜役小甲損夫人等。俱於三十管領下人丁內。挑取現食錢糧蘇拉承充。共佔用蘇拉三十二名。每年共領米三萬石。分為三色。粳米一萬

五千石。秬米九千石。粟米六千石。其一年收支數目。於每屆收放完竣後。呈堂銷算。統於歲底彙總具題。如有餘存。仍各行倉場衙門。入於次年應領米數內支放。每三年一次。官三倉查倉之時。本倉存貯米石。一體盤查。

筆帖式二人。

掌繙譯。





